

八瓊室金石補正

第三九冊

八瓊室金石補正卷八十一

太倉陸增祥撰

男 繼輝校錄

吳興劉承幹覆校

後漢

石屋洞秦彥韜造象記

高 廣 五行行五末末  
行七字字徑 分行書在杭州

弟子秦彥韜造此羅漢奉爲父母親緣永充供養軋祐

元年五月三日

兩浙金石志韜作蹈此作山均誤

龍門山郭張題字

高六寸八分廣一寸一行十  
三字字徑四分正書在洛陽

乾祐三年三月廿一日郭張記之

右刻在洛陽龍門山蓋亦造象題記者乾祐爲漢  
高祖紀號隱帝不改元仍稱乾祐乾祐三年當北  
周開運六年

左武衛中郎將石映墓誌

方一尺三寸五分廿二行行字不一字徑五分行書  
篆蓋題大漢故石府君墓誌銘九字在吳縣潘氏  
故左武衛中郎將石府君墓誌銘并序

前太子通事舍人朱仲武撰并書

公諱映字先進其先樂安人後世家於京地今則京地

人也晉將軍苞之慶胄衛純臣碣之靈苗祖 考守珎  
皆公侯繼業鍾鼎傳門載藉昭彰其来自遠公策名委  
質夙著令聞孝以承家忠以奉國故得鄉黨稱悌焉用  
友稱義焉可謂不忝不怍有典有則者也頃以方事之  
殷燿火不息而能率先義勇克集茂勲累遷至左武衛  
中郎將前朝賞有功也 公志懷敦素性守謙沖不以  
榮顯矜情但欲優游晦跡而已所冀神降其福天与之  
齡何啻地夢泣瓊藏舟弃壑哀哉以歲次 十一月  
十四日遘疾終于私第春秋六十有八夫人孫氏夙稟  
坤儀素傳內則鼓琴瑟而有節主蘋藻而知禮嗚呼薜

花早凋瓊枝遽折天不憖遺先公數稔而亡今以歲次  
甲子四月庚午葬公于長安龍首原夫人祔焉禮也嗣  
子清士冕岳岳湊岫秀萼蓁莪在疚棗棘其形洫血於  
苴麻竭力於窀穸恐時遷陵谷事或幽封爰命揮毫敬  
刊貞石詞曰

性質溫溫神儀泚泚職叅 禁衛位列中郎流芳後代  
秉義前王龔保永終曷其云亡卜地吉辰素車薄葬爰  
遷嘉偶及此同壙魄散泉扃神遊總帳後背重崗前臨  
疊嶂聊紀世載式昭問望

誌無年號蓋有大漢二字誌曰前朝賞有功也銘曰

秉義前王書合葬之期曰歲次甲子蓋曠在後漢時  
爲中郎將至宋初而卒其葬則以太祖乾德二年甲  
子歲也於蓋書大漢於卒年缺其甲子以示曠非宋

臣之意

古誌  
石華

石華次於宋初茲列漢末以成其志乾德二年甲  
子當北漢天會八年劉氏雖未亡而長安非鈞所  
有地故不書天會也朱仲武署銜加前字蓋亦官  
於後漢者不忤不求求書作悵集韻悵怨咎也本  
作愆說文愆怨仇也此用毛詩語殆非其義涉上  
悵字而加心旁未必當時有此本不可據以爲經

典異文也誌敘其祖名缺而不書不曉其故石華錄此性質作性柔魄散作魂散均誤

後周

廣順題字

高一尺四寸廣三寸一行十一字字徑一寸五分正書

廣順二年齊□同□□□□

右刻當在山東未得其詳疑拓未全

晉陽山廣順題字

高二尺一寸五分廣八寸一行四字字徑六寸許分書在濟甯

廣順二年

正書在濟甯州晉陽山慈雲寺石壁廣字从二黃亦  
異文慈雲寺重脩於石晉至周廣順僅逾十餘年正  
值鼎盛之時書者無姓名可攷不知何爲而題也

山左

金石志

廣从二廣山左志以爲二黃石刻八分以爲正書  
亦非

顯陵守當使侯殷□尊勝幢記

高二尺三寸八面面廣三寸四行行字不一字徑四分題記四行半年月姓名一行字較小俱正書在洛陽存古閣

佛頂尊勝陀羅尼真言

聞至理希夷視聽罔能究其極真場幽邃智識無  
源斯可謂鑽之弥堅磨而不磷於戲 我佛教演  
三乘是開方便山摧五蘊拔彼牢籠以像相策初心以  
色聲誘迷類覩質勤奉一而善道聆音省察持  
一句而滅繁殃而或洞展慈光高燃惠炬之於  
主尊勝威靈拯異生於衆禽塵沾影拂殊切莫大曠  
古傳休墨塵之有窮清峻之猷無盡今有 顯陵司  
部蜀國夫人縻宮闈事歷繁則夜寐  
興惕惕則臨深履薄頻更興廢惻愴徒增身世之  
念宗親之託繇是拙匠石鏤文願

之因自作全牧之利敢與堅牢藏裏他時無□□□  
幽遠冥間異日有證明之瑞紀由敘事□□□文時大  
周廣順三年歲次癸丑四月辛亥朔二十一日庚□建

顯陵守當使侯 殷□

辛亥朔則二十一日是辛未此作庚□不合攷通  
鑑目錄是年月朔二辛亥三庚辰五己卯則四月  
朔當是庚戌二十一日直庚午此紀書日不誤誤  
在月朔也文云顯陵司部蜀國夫人末題銜云顯  
陵守當使攷顯陵晉高祖陵也在洛京壽安縣見  
五代史司部守當使皆不見於史蜀國夫人亦未

詳文有□縻宮闈云云疑是石氏家歿入宮中者

判官堂塑像記幢

高一尺五寸八面面廣三寸七分四行行  
字不一字徑五分正書在正定崇因寺

<sup>上</sup>缺□像記

<sup>上</sup>缺□□清濁位殊先圓蓋而後方<sup>上</sup>缺□□□才乃臻然

後列万象於穹<sup>上</sup>缺厥後繼有聖賢司牧生民育養万物

<sup>上</sup>缺□□鎮□□□半千里北則簡子藏巨靈□擘破水

得潮宗東則列聖之<sup>上</sup>缺□曰嵩□群□而迥秀俯眾岫

以標奇迺神<sup>上</sup>缺□晉□□□□既□方位各有所司大

體東嶽<sup>上</sup>缺字<sup>上</sup>缺□靈<sup>上</sup>缺約而致敬洞府三千而見奇玉

簡

上知

莫能

缺約

秘字死生無以易其文故釋典

上形

枯

缺約

罪福之源唯神為主福則昇而禍則

上

缺約

而惡招殃宣尼令典

判官貞金並

□□日齊明真獄

瀆之異靈誠乾坤之偉氣生則挺出群

之

政先煥典書

沒則楊不世之名輔匡神化茲地也先無廊□空隙有

年

□□

榛

蕪

為

茂草

原

□

等恒遵五耀忝

□□

□□

□□

不

能擇□以見從豈敢□□而自各遂同鳩潤屋共□囊

裝爰召籽人卜時締構堂宇既立廟良得無命匠者審

運丹青澄神繪塑遂於堂內塑六曹判官并神鬼侍

從及辟上隱型變相威容既立不聞烏鵲之喧聲棟宇

方成似見雲雷之出去爲一方祠禱之地寔千年請福

之場□□得犧牲並陳水陸□薦楚人白雪全非鄭衛

之聲趙□□歌摠入齊韶之韻所願休牛放馬咸懼堯

舜之天萬戶□□□禹湯之化時大周廣順三年癸

丑歲七月一日建

上州別駕張琛□□鐫字人缺

上判官堂一座三間各三架并缺

判官尊像□□□變相等

施主□□□都□首艾厚□和趙□缺

上缺立□□李文珪李□□缺

上耿 ☐ ☐ 王玠 杜進 ☐ ☐

缺上 ☐ 如 ☐ ☐ ☐ 郟寬 劉瓊 何 ☐

紀 ☐

缺上 ☐ 譚 張玠 趙進 劉暉 ☐ ☐ 齊

趙 劉譚

缺上 宋

榮 ☐ ☐

右幢無撰書人姓名字多殘泐今就記文中辨之知  
記爲造判官堂并塑判官及神鬼侍從象而作後題  
☐州別駕其人無攷題名後又有判官堂一座三間  
各三架云云案堂屋稱間架唐乾符五年武安君白

公廟記已有之此其繼也此幢向在正定府治東關

帝廟內南樂段布衣

錫田

訪得之

常山貞石志

首列施主姓氏無存造幢者艾厚□等也記文內亦見厚□等字別駕張琛當是撰書之人書字筆蹤尙可辨識梓人作杼廟貌作只尙見古字常山志所錄不無譌漏蒿誤爲屮群誤爲群不誤爲下廊誤爲寶祠誤爲祈其穹枯金榛厚天六字未審出也今所磨滅仍據以補注於旁

雲門山大雲寺功德記

高一尺七寸廣二尺二寸廿七行  
行字不等字徑七分行書在益都

雲門山大雲寺重粧修壁龕功德記

講經沙門貞峻述并書

伏自玉毫掩相求瞻覩以無由金像遺蹤藉修崇之可  
託且我佛住世莫久像教是依了達者位證三乘漸次  
者道隆五福伏以雲門山大雲寺者未可知其始建之  
時也因覽古碑云開皇年中曾有修建但以寺居峻嶺  
地枕長郊覩聖像之凌夷見精藍之荒廢近則雖興新  
構必知末補舊基唯有壁龕弥多石像依稀相好隱映  
儀形風雨交侵頗損雕鏤之質歲華綿邈全無彩繪之  
蹤盖事有廢興理開舒慘豈期今日獲遇信心 清信

弟子彭仁福奉貫浙江寓居海岱因安賜履未返三吳  
唯以夙懷善因早敦至信知修崇之可託明幻惑之不  
堅是以廣造良因於諸蘭若此則因叅遠寺獲覩古客  
遂乃慎選良工精求彩華果得入神之妙再瞻如在之  
儀重新兩龕□□嚴飾雖遙柰苑何異□峯一群蒸黎  
盡起欲降之想四乘士庶頓生恭敬之心諒此殊因必  
獲多福更有同會良友亦是鄉知各欲齋心助成勝事  
仍雕翠琰以紀芳猷庶使萬古千秋不泯增修之狀陵  
遷谷變常開化導之門如貞峻者跡忝緇衣舜黝黃綃  
常復斯言之戒敢述刊石之文蓋猥付非才而堅令敘